

昭代丛书

一
函
八
册

快說續記小引

羣天下之人無不期于快意。而快意者千百人之中。曾不得一二焉。則甚矣快之難言也。夫快之爲類亦不一矣。貧者以富爲快。病者以愈爲快。仕者以得官爲快。赴試者以入彀爲快。艱于嗣者以得子爲快。嗜酒者以痛飲爲快。好色者以縱慾爲快。假使造物各如其人之所欲而與之。豈不成一極樂世界乎哉。雖然快亦何常之有。熱中者固以得官爲快矣。不有所謂高尚者。又以休官爲快耶。好酒者以醉爲快矣。病

酒者。安知其不。又以解醒爲快。耶。譬之于天。止此一風。舟行者。或喜其順。或怨其逆。爲之天者。亦甚難矣。然天雖不能快我。于其事。而我未嘗不可自快。于其心。于是不妨出其狡獪。神通幻作。空中樓閣。所欲者。與之聚之。所惡者。與之去之。不亦可乎。金聖歎與王斯山賭說快事。王子丹麓續而記之。世有拂意者。于煩惱場中。展讀一過。不啻如醍醐之灌頂。甘露之灑心。是不獨丹麓一人之快。並可爲凡有同心者之所共快者也。心齋張潮讀

昭代叢書卷三十七

新安 張 潮 山來 輯

廬陵 聶 先 晉人 校

快說續紀

仁和王暉丹麓著

兀坐雨窗愁懷如結。天不可寄。地不可埋。謀
之於客。求所以釋之。客曰。愁者快之反。能快
則愁自釋矣。因約舉聖歎所說快事數則。予
便欣然。客曰。未也。請爲子續。廣引博喻。錯雜

無端說未竟。已不覺肴軒而袂聳。客更欲窮其說。予曰止止。樂不可極。願畱有餘。以俟後人之欲釋愁者。

夜半初醒。捫心偶無一事。靜聽鐘聲。冉冉從雲間度。不亦快哉。

數人在座。獨兩人好爲鬼陣。爭劫叫囂。喧不可耐。一人遽起。掀其杯。擄其子。納奩中。不亦快哉。

遠方之友。不見且數年矣。有傳其已死者。忽叩門聲。急出視。正其友也。欣然把臂。痛飲高談。不亦快哉。

高樓月色苦爲鄰家樹陰所遮。一日忽聞折裂聲。鄰家樹已爲大風所折矣。少焉月出清輝四映。不亦快哉。

繞砌尋詩。忽得佳句。不亦快哉。

盛暑鬱蒸。數日夜不能成寢。忽然風清雨過。几簟生涼。一枕黑甜。酣有餘適。不亦快哉。

避暑山中。科頭赤脚。憩松陰下。聽石澗流泉。時與松濤相激發。不亦快哉。

故人遠別。寤寐爲勞。一旦忽接千里音書。不亦快哉。

看人倚馬作數千言。不亦快哉。

達官家多畜女伎。聞某伎有殊色。漫作詩懷之。不料
爲達官所覺。忽折柬相召。命殊色出拜曰。君欲是乎。
便與偕去。不亦快哉。

願從坊間盡收爛臭時文。不論新舊。一概焚却。不亦
快哉。

市兒負逋。歷年多已忘之矣。一日忽登堂致謝。盡還
所負。不亦快哉。

七八歲弟子。能周旋中禮。問故事應對如流。不亦快

哉。

適欲留賓。囊內無錢。正躊躇無策。婦能善解人意。剪
韭烹葵。佐以旨酒。亦不暇問其脫簪與截髮也。但得
佳客盡歡而去。不亦快哉。

席中遇苛底。糾纏不休。正難擺脫。忽令盆告完。不亦
快哉。

統袴子弟。怙勢橫行。鄉里莫可誰何。一旦忽聞其父
兄罷官死矣。不亦快哉。

連日積雨。重雲蔽天。一夕已臥。忽見月光射窗隙。急

起推窗視之。萬里無翳。長天如洗。月照樹林。都成瓊玉。不亦快哉。

獻歲以來。風雨不輟。閉門讀陶徵士詩。不知戶外有酬酢事。不亦快哉。

長日欲眠。蟬聲正沸。心煩意亂。莫知所適。忽有一鳥。不知何處飛來。尋聲而捕。不遺餘種。空林寂寂。遂得穩臥匡牀。不亦快哉。

秋風新冽。木葉始落。振衣登千仞岡。一望無際。迴視此身。幾欲仙去。不亦快哉。

天氣極寒。擁爐斗室。觀書小倦。飲以醇酒。數杯便醉。
通身怡然。試問途人。亦復苦寒否也。不亦快哉。
秀才應歲試。謄卷已畢。展讀數過。頗自得意。不亦快
哉。

自刺小船入藕花深處。手撈蓮房。啖之。綠映鬚。香
侵衣袂。不亦快哉。

春日看花郊行。一二里許。足力小疲。口亦少渴。忽逢
解事僧。邀至精舍。未通姓名。便進佳茗。踞竹牀。連啜
數甌。然後言別。不亦快哉。

寬得山莊。錯種桂樹。可四五十本。彈琴而作招隱之歌。不亦快哉。

入市偶見生魚一筐。可十數斤。有長尺許者。有七八寸五六寸者。命童子易以青蚨。臨流放之。圉圉洋洋。真悠然得其所也。不亦快哉。

正欲出門。一二十里。訪一好友。而好友適至。不亦快哉。

二三知己在座。忽聞襜褕子至。俱擧蹙無奈。苟有解意童子疾趨而出。婉言謝去。不亦快哉。

枕上聞霹靂聲。正未曉其所擊何物。早呼家人訊之。始知向之所爲肆其惡者。已死于震雷之下。也不亦快哉。

著述滿家。苦不得問世。忽有人起任其事。不數月都告成功。晴窗展卷。心目俱開。不亦快哉。

嘗考一事不獲。思廢寢食。一旦考得之。如映冰壺對明鏡。頓令心地豁然。不亦快哉。

以什叢書
卷三十七

三

跋

我輩有我輩之快。愴父有愴父之快。二者互相矛盾。
丹麓我輩中人。所說快事。祇宜與我輩共之。未可爲
愴父道也。心齋居士題。

快說續記跋
三十七

六

翁父。翁。少。心。齋。居士。題。

丹。黃。非。輩。中。人。視。獨。非。事。無。空。與。非。輩。共。之。未。可。爲。
非。輩。亦。非。輩。之。非。翁。父。有。翁。父。之。非。二。非。臣。昧。不。以。
此。

慶詞小引

嘗讀漢書。至東方生與郭舍人。以隱語相詰難。未嘗
不憤懣欲死。夫隱語卽甚淡微。亦當使人可解。何至
如孔雀經。楞嚴咒。竟不曉所謂耶。若夫黃絹幼婦之
辭。則明白而易見。然自古人出之。遂爲佳話。使制自
今人。幾何其不笑爲淺率耶。九烟黃先生作小牋四
十幅。每幅載慶詞四條。以行觴政。中者賞。不中者罰。
瓊筵射覆。真足以益神智而長聰明。有如此下酒物。
一斗豈足多乎。夫文人慧業。何嘗之有其大者爲持

世鴻篇經天偉論而其緒餘亦無妨現狡獪神通著
一二小品以相娛樂譬之天地既有五嶽四瀆以奠
封疆而于一泉一石之微亦必極其曲折玲瓏之致
既有松榦栝柏以供材用而于一花一草之細亦必
傳以馨香艷麗之姿非好勞也亦古今靈秀之氣自
有以結撰于無窮不知其所以然而然者今之度詞
何以異是雖然以黃先生之才不能效東方曼倩避
世金馬門高談雄辨于人主之側而僅與二三知己
作此冷淡生活不誠令鄧禹笑人哉心齋張潮謨